



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Concilivm Virdvvnense, In Qvo Sedes Rhemensis Artaldo adjudicata est,
mense Nouembri celebratum anno DCCCCXLVII.

urn:nbn:de:hbz:466:1-15625

VITA
AGAPITI PAPÆ II.

Agapitus
quando
pontifex
factus.

AGAPITVS Marino successit, anno Christi DCCCCXLVI. tempore Constantini VIII. Hic post multas Synodos in causa Hugonis & Artaldi celebratas Rhemensem archiepiscopatum Artaldo adiudicatum confirmavit. Brunoni Colonienſi archiepiscopo Ottonis fratri pallium petenti concessit. Debellatis ab Ottone rege magna victoria Danis, iisdemque in Christianam religionem acceptis, gratulatus est Hamburgensi ecclesie, eiusque privilegia a maioribus accepta innouavit. *Adam. lib. 2. cap. 2.*

Huius tempore post obitum Lotharii Berengarius regnum Italiae inuasit. Otto imperator vero ab Adelheide filia Rodulphi relictaque vxore, & Agapito pontifice, fugata tota Berengarii familia, pro suppetiis ferendis sollicitatus, Adelheidem reginam, olim Lotharii coniugem, vxorem accepit. Idem regnum integerrime defendit. Agapitus, dum nouem annis mensibus & diebus decem munere pastoralis bene functus fuisset, ex hac vita migravit.

CONCILIVM VIRDVNENSE,
IN QVO SEDES RHEMENSIS ARTALDO
adiudicata est, mense Nouembri celebratum anno
DCCCCXLVII.

DE hac Synodo scribit Flodoardus tum in chronico, tum in historia Rhemensi lib. iv. cap. xxxiii. iisdem fere utrobique verbis in hunc modum: Anno, inquit, DCCCCXLVII. Conuentus placiti regum Ludouici & Ottonis super Charam fluuium, intrante mense Augusto, celebratur, Hugone principe circa Mosomum & Duodeciacum castrametato. Vbi res litis inter Artaldum & Hugonem Rhemensis ecclesie præfules ab episcopis auditur. Et quia Synodus tunc conuocata non fuerat, altercatio determinari non potuit. Synodus autem circa medium mensis Nouembris habenda denuntiatur. Interim vero sedes Rhemensis Ar-

ANNO
CHRISTI
946.

ANNO
CHRISTI
947.

ANNO
CHRISTI
947.

Artaldo conceditur. Hugo autem præful in Mosomo comorari permittitur. *Et post alia* : Synodus prædicta Viriduni habita est, præfidente Rotberto Treuerensi præfule, cum Artaldo Rhemenfi, Odolrico Aquenfi, Adelberone Metenfi, Goslino Tullenfi, Hildebaldo Transrhenenfi Mimegardovrdenfi, Israele Brittone, præfente Brunone abbate fratre regis Ottonis, Agenoldo quoque, & Odilone, cum aliis quibusdam venerandis abbatibus. Ad quam Hugo episcopus euocatus, missis etiam duobus ad eum deducendum episcopis Adalberone & Goslino, venire noluit. Vniuersa vero Synodus domno Artaldo Rhemenfi tenendum adiudicauit episcopium. Indicitur iterum Synodus Idibus Ianuarii habenda.

ANNO
CHRISTI
948.

CONCILIVM MOSOMENSE,
IN QVO SEDES RHEMENSIS ARTALDO
iterum adiudicata, Hugoni communio vsque ad generalem Synodum interdicta est, mense Ianuario celebratum anno DCCCCXLVIII.

FLODOARDVS *idem in chronico.* Anno, *inquit,* DCCCCXLVIII. Synodus prædicta celebratur in ecclesia sancti Petri, ante prospectum castri Mosomi, a domno Rotberto ceterisque Treuerensis diœceseos episcopis, & aliquibus Rhemenfis. Veniens autem illuc Hugo præful, & locutus cum Rotberto, Synodum noluit ingredi: literas vero quasdam ex nomine Agapiti papæ misit ad episcopos per clericum suum, qui eas Roma detulerat, nihil auctoritatis canonicæ continentes, hoc tantum præcipientes, vt Hugoni Rhemenfi redderetur episcopium. Quibus lectis, ineuntes episcopi consilium cum abbatibus & ceteris sapientibus qui aderant, responderunt non esse dignum vel congruum, vt mandatum legationis apostolicæ, quam dudum Rotbertus archiepiscopus, deferente Friderico præfule Moguntiacensi, coram regibus & episcopis tam Galliæ quam Germaniæ susceperat, & partem iam præceptionis ipsius exegerat, propter illas literas intermitteret, quas infidiator Artaldi præfulis exhibebat: imo quod regulariter cœptum fuerat, canonicè pertractaretur. Sicque præceptum